

Durante tratamiento di e caso a constata TA MASHA BAGAMUNDERIA A TUMA LUGAR DEN E MANEHO DI BUSHIRI HOTEL

ORANJESTAD(AAN) -- Manera DIARIO a publica, ayera mainta Corte den Promer Instancia a sigui cu tratamento di e caso cu tres empleado di Bushiri Hotel a entama contra Gobierno.

Siman pasa diabierna e abogado mr. van der Kuyp, kende a representa Kolfin, y e abogado mr. Lejuez kende a representa Croes, a hiba palabra. Ayera a toca turno na abogado mr. Martis kende a representa Walter y tambe abogado mr. Sjiem Fat kende a representa Gobierno.

Manera DIARIO a pronostica caba, cosnan straño a worde treci padilanti diabierna ultimo y ayera seguramente mas cos lo worde divulga.

Abogado mr. Martis
DIRECTIVA TABATA SA DI B.L.I.

Abogado mr. Martis a indica cu su cliente tin 7 aña ta trahando na Bushiri Hotel y cu na 1990 a funda e compania B.L.I. N.V. cual compania segun mr. Martis, e directiva di Bushiri tabata al tanto di esaki.

E abogado ta haya cu no por papia di mal maneho ya cu e team di maneho a score y a scapa Gobierno hopi placa. El a bisa tambe cu e lista di acusacionnan contra su cliente no ta cuadra pasobra su cliente tabata Food and Beverage Manager y no tabatin nada di haber cu e maneho entre otro pa cu e piscina, e saunanan, salario, etc.

NO TABATIN CONFLICTO DI INTERES

Pa loke ta trata e conflicto di interes el a muestra cu su

cliente, como empleado di Bushiri y formando parti di B.L.I., tabata manda e turistanan "overbooked" pa Concorde Hotel y tabata worde paga pa esaki pero cu Bushiri Hotel ta al tanto di esey.

RETIRO TA INHUSTO

Segun mr. Martis, ta asina e Gobierno nobo a sinta, su cliente a worde bisa pa tuma vacacion ya cu tin un investigacion andando.

Despues el a haya un carta di abogado mr. Sjiem Fat notificando cu desde 1 di November 1994 e ta retira. E abogado ta haya cu e investigacionnan haci ta basa ariba rapportnan bieu cu a ser aproba pa e directiva anterior.

El a señala cu e team di maneho ta consisti di 5 persona. Con a para cu e otro dos personanan???? E ta haya cu e motibonan pa cu Walter su retiro ta hopi con-

fuso y ta haya cu mester declara esaki nulo.

Abogado mr. Sjiem Fat

TRIO A VIOLA ACUERDO DI TRABAO

Abogado mr. Sjiem Fat na su turno a presenta un cantidad di documento na tanto Juez como e abogadonan y a bisa cu tabata bisto cu pa motibonan urgente a kita e trio aki.

E retiro ta mas bien basa ariba e acuerdo di trabao cu ta stipula bon cla cu ta prohibi pa e trio aki, cu ta den un posicion halto y responsable, tin un otro trabao.

E abogado a hasta lesa e regla di e acuerdo di trabao den Corte caminda bon cla ta para cu e funcionarionan aki no por tin un otro trabao.

Tin un excepcion pa haci otro trabao, pero esaki mester socede pa medio di un permiso por escrito cual

segun mr. Sjiem Fat, ningun di e tres personanan aki tin un y esaki no a ser presenta den Corte tampoco.

El a sigui bisa cu e argumento di e abogadonan cu na Bushiri Hotel no tabata tin regla di maneho, no tin validez. Como un empleado, ta bo deber di haci bo trabao lo mihor posible.

DIRECTIVA ANTERIOR NO TABATA SA NADA

Mr. Sjiem Fat a desmenti categoricamente cu e directiva anterior tabata sa di e otro trabaonan cu e trio aki tabata eherciando.

Ta asina cu na 1992 rumor nan a cuminsa circula cu Kolfin, Croes y Walter ta operando Flamingo Restaurant. E directiva anterior a laga haci un investigacion y.....BINGO. E directiva a hala nan atencion y a bisa nan cu nan mester stop inmediatamente pasobra nan no tin un permiso por escrito

pa haci tal.

CONFLICTO DI INTERES NA GRAN ESCALA

Contrario na loke e abogadonan mr. van der Kuyp, Lejuez y Martis a bisa, mr. Sjiem Fat si ta di opinion cu e trio aki a comete conflicto di interes na gran escala.


Mr. Sjiem Fat a bisa Juez mr. Vroom cu antes tabatin e plan di privatisa Bushiri Hotel o sea laga e maneho cay den man di un compania priva.

Kolfin, Croes y Walter a core lanta e compania B.L.I. cu e intension di tuma e maneho di Bushiri Hotel over. Notable tabata cu ningun momento un decision a worde tuma al respecto.

Mr. Sjiem Fat a señala cu apesar cu e acuerdo di trabao ta prohibi esaki, na gran escala e trio aki a sigui cu entre

SIGUE LESA PAGINA 15

IF YOU CAN'T BEAT THEM, JOIN THEM!



ZUNOCA ARUBA N.V.
Schelpstraat 58 - Telefoon 25523

BOLIVAR

Special pa December
BS. 1000.00 pa Afl. 10,50

Very Special: Ariba BS 300.000.00

Ultra Special: Ariba BS 1.000.000.00

Tambe Transferencia pa Venezuela (BS) y pa Colombia (Pesos) den menos di 24 ora